



B na n pēnega sɪd-kōta dūni yikr raarā ne a Soabā (A Naam yɪ wagell n zēke) t'a Soabā maan-a sutra a zugu n yi zamā wā

Yii a Safwaan [bn Muhriz nengē a yeelame: ned n yeel a [bn Umar (Wēnd yard be b yiibā yīnga) fo wuma Wēnd Tēn-tuomā (Wēnd puusg la A tulgr be a yīnga) walengā pugē t'a yet tɪ wānā? La a yeel yā: m wum-a lame t'a yetē: «B na n pēnega sɪd-kōta dūni yikr raarā ne a Soabā (A Naam yɪ wagell n zēke) t'a Soabā maan-a sutra a zugu n yi zamā wā, sēn na yɪ tɪ ned baa a yembr ka bāng a bāongā ye, t'A yēel-a, rē yīnga fo mii zūnuub-kāngā la zūnuub-kāngā? A togsd-a-la zūnuub-rāmb nins sēn rag n zīnd yē la a Soabā suka, tɪ yambā yeele: n-yee! M Soab A Wēnde, halɪ tɪ sɪd-kōtā peleng sā n wa yɪk t'a yēese, la A sēn yet-a (A Naam yɪlg yā) ad Mam maan-a-la sutr fo zug dūni la M na n yaaf-a lame n bas-f rūnda. Tɪ b kō-a a tuum sōmsā sebre. La sā n yaa kɪfr la munaafɪka, b boond-a lame zamā wā suka, yaa bāmbā la sēn yags n roglg b Soabā».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā (Wēnd puusg la A tulgr be a yīnga) kōo kibar Wēnd sēn na n yēs ne A yamb sēn yaa sɪd-kōt dūni yikr raarā, n yeel-a: B na n pēnega muumin ne a Soabā dūni yikr raarā, t'a Soabā maan-a sutr a zugu n yi zāmā wā, sēn na yɪ tɪ ned baa a yemb ka bāng a bāongā ye, t'A yēel-a: Rē yīnga fo mii zūnuub-kāngā la zūnuub-kāngā? ...A togsd-a-la zūnuub-rāmb nins sēn zīnd yambā la a Soabā suka. Tɪ yamba yeele: n-yee, m Soaba. Halɪ tɪ muuminā sā n wa yēese, la A sēn yet-a (A Naam yɪlg yā) ad mam maan-a-la sutr fo zug dūni la M na n yaaf-a lame n bas-f rūnda, tɪ b kō-a a tuum sōmsā sebre. La sā n yaa kɪfr la munaafɪka, b boond-a lame zamā wā suka (n yeele): yaa bāmba la sēn yags b Soabā, rē yīnga kāab-beed ka be ne wēgdbā.

<https://sunnah.global/hadeeth/mos/show/4242>

